

Nuorttanaste

»Gæca dam Ibmel labba,
gutte mailme suddo guodda!«

»Son dagai rafhe su ruosa
varai bokte.«

No. 12.

Sad jakkegærdde.

»Nuorttanaste« maksa ovta kruvna jakkoda-
gast, bladde dinggujuvvu juokke poasta-
rappe lutte.

30ad Juni 1906.

»Nuorttanaste« olgusboatta guovte garde
manost — dam 15ad ja dam 30ad bæive
juokke manost.

Profet Daniel.

(Okta D. L. Moody sarnin).

Lasse ondeb nummari.

Nebukadnesar nubbe niekko.

Dat maid mi dast mannel gul-
lap, læ, atte Nebukadnesarest fast læ
niekko. Dat olmai fertte vissa ma-
našassi boattet fuobmat Ibmel famo.
Ollo mærkaid ja ibmašid læ son oaid-
nam, mai bokte son lifēi berrim mor-
ranet aigga juo. Dam have son gal
muitta su niegos; mutto su einostæg-
jek ja visak oei mattam muittalet
sudnji, maid dat mavsi, — æi mattam
eilgget sudnji dam, juoga læi daina
gonagasa niegoin, mi sin njalme æa-
nai, vaiko si galle lavvijegje læk
gærggadak boattet sin eilggitusaiguin.
I væketam dal, si ferttijegje cælkket,
atte si dam æi mate eilgget.

Manašassi muittai gonagas Da-
niel; son oroi dego son aibas lifēi va-
jaldattam dam olbma. Son viežati
Daniel lusas; ja go Daniel bođi, algi
gonagas sudnji muittalet su niegos.
Dam birra loga ješ Daniel girje 4
kap. 10–17 v. Man jottelet gonagas
dadde læi vajaldattam daid ravvagid.
mak sudnji addujuvvujegje. Davja
læi son oapatuvvum vuollegašvutti,
mutto buok læi vajaldattam.

Daniel eilgge niego.

Go Nebukadnesar muittali su
niegos, suorggani Daniel »muttom
boddo.« Mutto gonagas sardnoi sud-
nji ja celki: »Ale difte niego ja eilg-
gitusa suorgatet du, mutto sarno roak-
kadet« Daniel algi dasto eilggit: »Dat
muorra, maid don oidnek, dat læk
don, o gonagas, don, gutte læk stuores
ja famolaš, ja gæn valdde læ stuores
ja olla albmai, ja gæn hærvvasvuotta
læ gidda ædnam ravddi. Don galgak

erit nordastuvvut olbmui gaskast, ja
mæce spiri lutte galgga du orromsag-
je læt j. n. v., ja du rika aiggo Hæ-
rra dust eritvalddet, damditi go don
læk šaddam cævllajen ja goarggaden.«

Daniel ouddandoalai aše nuftgo
dat læi, son celki duottavuoda gona-
gasa cæalmi oudast. Dam baikest ja
dam have sardnedi son vanhurskes-
vuoda gonagasa oudast. Son doalai
ovta hui buore sarne. Jos min aige-
ge lifēi æmbo dam sortast, de lifēi
buoreb ædnag dafhost. Son celki
gonagassi vuigistaga navt: »Damditi,
o gonagas, difte mu rađe dokkit dud-
nji, ja hæite du suddoinad vanhurskes-
vuoda bokte ja du værredagoinad
vaibmoladesvuoda bokte varnotemi
vuostai, jos du maššo galgga šaddat
bistevažžan;« mutto dat Daniel rav-
vim i læm manenge avkken. Gona-
gasa vaibmo læi nuft buššum, nuft
dievva goarggadvuodast, atte son far-
ga vajaldatti niego aibasrak. 12 mano
dast mannel, go son læi vagjolæme su
gonagas garddemes birra, šaddai su
cævllas vaibmo goarggad. Son gæcai
buok dam hærvvasvuoda ala, mi sust
læi, ja dasto dam cæbba bæggalmas
Babylon gavpuga ala ja dai cæbba
hænggajegje gilvvagardi ala, mak de-
go gollest baitte iddedest bæivaš suod-
njari siste, ja de sardnogođi son ja
celki: »Igo dat læk dat stuora Babel,
maid mon læm huksim gonagas or-
romsagjen mu fabmon gievrravuoda
bokte ja mu hærvvasvuottam gudnen?«

Go legje vela sanek su njalmest,
gullui jiedna alмест: »Dudnji, Nebu-
kadnesar celkkujuvvu: Rika læ man-
nam dust erit.« Ibmel guoskaldatti su
jierbmai, dat skievčoi ja suoiboi su
truonos alde ja batari sust erit. Olb-
mui gaskast son erit nordastuvvui, ja
urttasid borai nuftgo vuoksa, ja alme

suolnest su gorod laktaduvvui. Dak
famolæmus raddejægjin læi šaddam
mielataebmen. Mon im darbaš vitta
minutage cæjetet, atte mailbme læ
mielataebme ja ænaš oasse dovdasteg-
je kristalazaain maidai. Si jurdašek ja
sardnuk, dego buok boadaši sin ječa-
šek famost. Ibmel vajaldattujuvvu
ollaset. Buok ravvemid si bagjelgeč-
ček, maid Ibmel su vaibmoladesvuo-
dastes sadde. Si læk ollaset dego mie-
latæmek.

Mutto go gonagas Nebukadnesar
vaibmo læ sogjam vuollegašvutti, de
macca su jierbme su lusa fast ruok-
tot. Son fasten oažo su ondiš famo;
mutto dal læ son æra olmai juokke
dafhost. Okta dieđetus læ sust vela;
mutto man dat dadde læ æralagan
daid oudešid ektoil

Nebukadnesar nuftgo odđa olmuš.

»Mutto go dak bæivek legje
nokkam, de bajasbajedim mon, Nebu-
kadnesar, mu cælnidam alme guvllui,
ja mu jierbme bodi mudnji fasten, ja
mon maidnom dam alemuša ja rame-
dim ja gudnejattim su, gutte ælla a-
galažat, su, gæn hærravuotta læ aga-
laš hærravuotta, ja gæn rika bista so-
gast sokki.«

Vissasi læi gonagasa jierbme
boattam ruoktot sudnji fastain. Gæca
su dalkastæbme læ dego Joba — son
læ dærvasæbbo dal go goassege oud-
dal. Mærkaš dam manemuža, maid
mi gullap su birra. »Dal mainom, a-
ledam ja gudnejattam mon, Nebukad-
nesar, alme gonagasa« j. n. v.

Go don gulak, atte olmuš læ
alggam maidnot Ibmela, de læ dat
buorre mærkka. Dat ondiš dieđetæb-
me celki ollo dam birra, atte ærak
galgge dakkat dam, mutto i maidege
gonagasa ječas birra. Vuoi sielok,
boattop mi dam ragjai, atte ječa alg-

gep rakistet, ječa alggep maidnot! Mon aigom rakistet Ibmela. Mon aigom balvvalet su. Dat læ, mi darbašuvvu sarrvegoddest odna dam bæive.

Nebukadnesar læi dal okta jorggaluvvum olinuš, ja son aigoi gæččalet maidai ceraid ožžudet jorggalussi. Go olmuš algga ællet ibmelbalolaš ja vanhurskes cellem, de vuotta son æraid, dat i šadda æra lakai. Nebukadnesar čajeti bevisa dam ala, atte son læi jorggalusa dakkam. Mon im gal æped, atte son odne vagjola alme krystal guolbe alde giettagaid Danielin ja sarnoda dai boares beivi birra Babylonast. Vare mi buokak čajetifčimek daid mærkaid, maid son čajeti duotta nubbastusa alal Kristusa mieldečuovvok ferttijek maidai sardnedet sin dagoidæsek bokte; dastgo dagok sardnuk čielggasæbbo go sonek.

Lasetuvvu.

Girko ja Sami jodo birra.

Čali okta Sabmelas J. Samuelson
Dænodagast.

Go mi dal jurdašep dam ala, moft girkkodille ja Samek doluš aige legje ja baldalagai bigjat dam aige girkkodilin ja Samiguim, de fertte celkkujuvvut, atte stuora nubbastus læ šaddam guktok dafhost, ja dam sujast læm mon gæččalam čallet girko jodo birra, nuftgo čuovvo.

Girkkohistorja ja boarrasi mitalusak muittalek nuft: Dalle go Sami apostalak algategje sin evangeliunlaš bargosek Sami gaskast, de æi sist læm samegiel girjek, ja æi si ječage mattam samegiela, damditi ferttijegje si bargosek viggat oudedet dušše darogilli; mutto farga botte si fuomašet, atte sin barggo ænas oase dafhost manai duššas Sami gaskast; dainago sist i læm okta giella, ja dam sæmma oažžoi dovddat obba darolaš girkkostivriijubme. Damditi algi dat stivriijubme duodalažat barggat dam ala atte buktet Sami gaski sikke skuvlai ja girkoisa sin ječasek giela, nuft jottelet ja cædnag go læi vejolaš sikke samegielalaš girji ja oapategji bokte. Dam barggoi darbašegje si gukkes aige, ollo vaive ja rušaid; mutto almaken si æi orostam daina. Sist læi nana datto. Si lasetegje æmbo ja æmbo samegielalaš girjid ja oapategjid. Daidi skuvlaolbmaid, gu-

dek legje viššalak ja čæpek addujuvvui gudne-rutta — jakkasažat kr. 60, oo dam nuftgoččujuvvum finnefonast *)

Dal algam mon muittalek dam rajest go mon muittagottim gidda damragjai. Buok maid ješ læm oaidnam ja gullam. Dal læ dam rajest 35 ja-ge, go mon muittagottim, ja dalle legje aido barahest barggamen girkkostivriijegjek stuoremus famoin, bakasvuodain ja movtain dam ala atte gilvvet kristalašvuoda ditto ja dovddoi Sami lutte. Dalle samegiella læi aido riftes lakai bæssagoattam fabmoi Sami gaskast; mutto dadde i læm nuft famost, go dalle goas dat læi alemus mittost. Dalle papak oktana-ga sin vuolebuš oapategjuim oapategje aive samegilli. Dat giella adnujuvvi bæivvalažat skuvlai siste nuftgo maidai odđa testamenta, mi dalaš skuvlain læ aibas javkkam, ige oro adnujuvumen sagga manenge. Lokkamgirjen adnui dalle »Duotta Muittalusak, mak legje buore ja bajasrakadægje. Manjel bođi fast ucca Norga historjaš, mi læi jorggaluvvum samegilli. Skuvlai siste orodedin ja olgobælde skuvlaid čajetegje papak ja skuvlaolbmak, atte si æi dattom diettet mastege ærast go Jesusest dam russinavlijumest. Buok æra dieđoi allagvuodaid adne si dušše vahagen ja rippan Kristus dieđo allagvuoda ektoi. Dam aige papai ja oapategji ouddamærkai mielde æi mattam olbmuk æra jakket go dam, atte kristalašvuotta ja dam dietto læ værdemættom, nuft atte buok æra dam ektoi læ duššalašvuotta. Duotta læ gal, atte maidai dalle elle Samek suddoi siste nuftgo dalge; mutto almaken dalle legje kristalašvuoda diedok likatam sin dovdoi nuft famolažat, atte go si vulgge girkoi, de oroi dat sin mielast, dego si lifči galggam loaidastet Ibmel vanhurskes muođoi ouddi, ja lavkededin girkolasa bagjel, sogjalatte si čibbidæsek ja nuft maidai, go si gulle Jesus nama bæggaluvvumen, de si gobmirdegje. Dalle i oktage diettam æppedet, atte Ibmel i læk, ja su sadne i læk duotta. Jos dalle dam aige guttege lifči čalkkam bilk-

*) Dat fonna læ ain dalge, ja dast maksujuvvu juokke jage daidi skuvlaolbmaid, gæk barggek sægotuvvum giella baiken.

Red.

kadus sane Ibmel ja su sane vuostai, de lifči dat sin mielast læm andagassi addemættom suddo. Dalle læi girkolaš sætto riftes arvost, nuft atte go pappa manai girkkoi, de læi girko dievva albmuget, ja go skuvlaolbmak, gudek legje angerak doallat rokkušid [lokkama] sikke skuvla-aige ja maidai æra aige, lokke, de legje rokkušviesuk dievva. Ja buokak dak, gæina læi kristalaš miellalakki, si bisso girko asket; dastgo si gavdne dam siste duttadume silloi.

Mutto i gukka dast manjel, go buok dak allaget gudnejattujuvvum Sami apostalak ja girkkostivriijegjek legje boarasmuvvam ja jabmam, ja odđasak legje sagjai boattam, de dalanaga algi girkkostivriijubme mielai mielai luondos nubbastuttet, addedines odđa asatusaid gielai ja æra oappofagai dafhost. Vuost algi čallem ja rekenastem skuvlast ja dasto maidai darogiella. Samek adne daid darbašlaš oappan, æige nimmoram dai diti; dastgo dak dugjujegje darbašlaš nubbastusaid ditto ja dovddoi. Mutto dai dieđoi šaddo læi almaken miela goarasmattujubme ja kristalašvuoda dovdoi uccanæbme. Mutto go ain aigge æmbo golai, de odasmatte si sin asatusaid, nuft atte sammegiella šaddai lobbetes giellan skuvlai siste, ja dasto algge oapategjek čævllai vuodain oapatet manaid aivve darogilli. Si æi adnam ollo avver addijegje manak, vai æi. Nuft manai maidai girkošte. Papak algge adnet uccan avver, jos Samek addijegje sin sarne daihe æi.

Damditi šaddai čierrom ja luoibmam Ramast. Rakel čieroi manaides ige addam ječas jeđdejuvvut, ja dat čierrom gullui gidda Kristianiai. Dam oažžoi gullat maidai dat Samin sagga rakistuvvum ja allaget gudnejattujuvvum professor Friis, ja dat læi lossad su beljidi ja baha su čalmi oudast. Mutto ænemusad bavčagatti dat su dovdo, go Samek æi galggam šat oažžot gullat kristalašvuoda sin ječasek gilli. Damditi fertti son boaresvuodastes čuožželek bajas ja boakanastet ječas, ja son vulgi jottet dam čierrom jena vuostai gadnam diti Rakel.

Dam ræisost gaydnai son ollo gavveles oivid, gæiguim son oažžoi gæččalet su boares vaibbam ja viesam navcaides. Son jođi ja bođi

Tromsi, ja dobbe gavnai son Tromsa sifta skuvladirektør, gutte galle bijai ječas garraset su vuostai, ja damditi su sanek oei gavdnam maidege sajed su lutte. Mutto go son gavnai Sabmelažai bisma I. N. Skaar, gutte löi gal Samiguim sagga rakislaš ja allaget Samin gudnejattuvvum, löi son suina ovta oaivelest.

Lasetuvvu.

John Samuelson ja su „golbma lävso.“ (Čali »čäppes divodægje«).

Mon oainam 8ad ja 9ad nummarest »Nuorttanastest«, atte John Samuelson löe fast čalestam blađđai, dam have vastadussan mu bittai dam jakkegærde 2be nummarest. Son algata dam bittage su golmain lävsoin, su ječas dajatusa mielde, namalassi: Boattago Ibmeli gudnen, lagamužži avkken ja sudnji aldis buore oamedovdo raffhen. Dam golma lävso lokka Samuelson alo bigjat jurddag vuollai buok su aiggomušaides siste, ja dat löe aibas riehta, jos mi buokak dam dagašeimek, de i liföi nuft ollo suddo ja bahavuotta mailmest go dal löe.

Mu jurda löe vastedet darkkelet dam John Samuelson čallagi; mutto min »Nuorttanaste« löe ucce, nuft atte dasa oktanaga äi sieta manga arka, damditi löm jurdašam ucca bittas äin havelassi čallet. Dam have aigom dušše vebaš gäččadet John Samuelson ja su golbma lävso.

Go mon lokkalim dam golbma lävso, de mon bisanegjim jurdašet, ja mon alggim jurddagidam siste jerrat: »Boattago datge Ibmeli gudnen ja lagamužži avkken, go Samuelson govatalla daid nuftgoččujuvvum læstadialažai jallas oskolažžan, gollegalbe birra dansijægjen, diana balvvalægjen ja vel muhamedanalažžange?« Mon löm lokkam basse čallagest, atte Hærra profet Sakarias bokte čelkka Israel albmugi: »Gutte digjidi guoska, guoska mu čalbmegakkai.« Sak. 2, 12. Mi diettep, J. Samuelson, atte dak sanek löe maidai celkkujuvvum ođđä litto Israeli, d. i. Kristusa särvvegodtai juokke aiggai; ja jos læstadialažakge gullek Ibmel manai lokkoi — ja dam biettalet galgga læt stuora roakkadyuotta — de löe sige dasto Ibmela čalbmegakak, ja don dieđak

ješ, man dat löe bavčas, go mikkege du čalbmegakkai guoska. Don löe lossadet guoskam læstadialaš särvvegoddai, don löe laittam sin du govatallaminak, ja du ječad dagjama mielde, jakak don, atte dast boatta Ibmeli gudne ja lagamužži avkke. Mon löm lokkam girkkohistorjast, atte dallego Johannes Huss galgai bolddujuvvut, de ceggijuvvui okta lavvolagan, ja Huss bigjui dam ala, ja dasto cakketuvvui dolla lavo vuollai. Dai ædnag olbmuid scervest, guđek dam oainatusa legje čoagganam gäččat, löe maidai okta boares akko boattam dasa, mutto son i nuftgo dak čerak orrom joavdelassan, mutto son čokki smava muorrabittai ja rissid ja suopoi dolli. Ja dam son doaimati stuora angervuodain, damditi go maidai sust löe dat jakko, atte son dam bargo bokte gudnejatta Ibmela. Muittaluvvu maidai, atte Johannes Huss fuobmai dam ako ja celki mojin baksamides alde: »O, don basse oktagærddanvuotta.«

Mon gal dafhostam im nagad jakket, atte dast boatta Ibmeli gudne — dast, maid don löe čallam læstadialaš särvvegodde birra, ja vela ucce mon jakam, atte lagamužži dast avkke vuolgga; dastgo jos oktage du čuovvola daihe adda ječas erit hetijuvvut duottavuodast du čallaga gäččel, de sudnji šadda dat vahagen, ja dat vahag löe nuft stuores, atte dat i mate maksujuvvut daina buok, maid mailme suitta. Loga Math. 16, 26.

Mi du oamedovdo buore raffhai boatta, de dat satta galle læt nuft, atte dust rafhe löe maidai dam čallaga diti. Mutto varot, atte dat i löe dam lagan rafhe go Judalažain ænaš oasest löe profet Jeremias aige Si maidai čurvvo: »Rafhe, rafhe!« Mutto i löm daddege rafhe. I löe dam mailmest uccan dam rafhest, mi löe jabmema rafhe.

Dal häitam mon dam have; mutto mon boadäm fast farga. Don jærak must nama. Ješ don löe mu navddam

»Čäppes divodægjen.«

Min gonagas kruonedäbme Troandemest.

Nuftgo mi mannam nummarest juo muittaleimek, kruoneduvvui min

gonagas Troandem duobmogirkost dam 22ad bæive dam manost. Dalkke dam bæive löe balvai ja vebaš arvaši. Arad idedest juo devddi al mug oaivvegataid olgoböld stiftagardema ja bajas gidda duobmogirkko ragjai. Goabbašak bæide Munkegata čužžu soaldatak lavgalagaid raiddon, plævggastaggok, maina juokke našson plævgga oidnui livčodäme, legje maidai dam balga goabbašak bællai dego gilvuvuvvum. Ruodärika plævgga fal i oidnum. Kl. 9 aige vugje vavdnoraidok girko vuostai. Mærkašatte legje dai olgoædnamlas stataolbmai činätuvvum uniformak. Soaldati duokken čuožoi hirbmos olmuš ædnagvuotta. Kl. 11 aige bođi min gonagaspara ja ollo alla ammatolbmak. Si buorastatuvuvvejegje avvočuorvvasin.

Muttom ridda siste čužžo 80 papa, sin scervest legje bismak Wexelsen, Bang ja Eriksen, gæk dieđostge legje oudastolbmak. Buokak si legje garvotuvvum čabba ornatai sisa. Bismai oudabælde čužžo statsminister Mikelsen, olgorikaminister Løvland ja kruonedäme särvve. Wexelsen buorastatti gonagaspara dai saniguim: »Ibmel varjalekus du sisamannam ja olgusmannam dalašest ja agalaš aiggai.«

Dasto manai processiona musika vuolde girkkoi. Ibmelbalvvalus algi salmain nr. 1 Landstad salmagirjest orgo ja oršester lavllom ja čuogjam vuolde. Dast mañnel logai Kristiania bisma oskodovdastusa ja fast lavllujuvvui. Bisma Bang dasto doalai sarne, su toeksta löe profet Joel girjest 2be kap. 21 vearsa: »Ale bala, don ænam! Avvod ja læge ilost! Dastgo stuora dagoid löe Hærra dakkam.«

Sarne mañnel lavllujuvvui fast salbma ja mæssu dollujuvvui. Dasto manai gonagas musika čuogjama vuolde altar ouddi, gosa truodnostuollo löe bigjum. Gonagasa mielde čuovoiga hoafašeffa ja komanderijægje generala, gutte rikaplævga gudi. Go musika löe jaskodam, buvti muttom alla ammatolmai kruonedämeakaapa ja hängasti dam gonagasa olgi bagjel. Gonagas luottadi dasto čibi ala. Troandembisma Wexelsen su dasto vuoidai dai saniguim: »Dat buokvægalaš Ibmel vuoidus du su vuoinaines ja addus dudnji visesvuoda ja famo ja lađesvuoda dam gonagaslaš stivrrijume fievrredet, nuft atte Ibmela namma

basutuvvu ja riehta ja duottavuotta nannijuvvu avkken ja likkon albmugi ja eadni.[«]

Maŋŋel go gonagas læi čokkanam, valdi statsminister kruono altarest ja sërvalagai bismain bijaiga soai dam gonagasa oaive ala. Bisma logai dasto čuovvovaš rokkadusa: »Hærrai Hærra ja gonagasai gonagas, gutte læ addam dudnji rika kruono, son bajasdollus ja apasmattaši du buok gonagaslaš ja kristalaš dabedi su nannas gudnen ja buristsivdnadussan dam darolaš albmugi. Son dokkalažžan dagaši du su armos bokte dam nokkavaš ællem siste vuostaivalddet vanhurskaši arbe, dam nokkamættom kruono almest.[«]

Olgoædnaminister læi sæmma lakai mielde, go gonagasa giti septer bigjujuvvui, man vuolde bisma oudancelki čuovvovaš rokkadusa: »Dat buokvægalaš Ibmel, gutte septara adda du giti, son addus dudnji armo fierredet dan visesvuodain, famoin ja laðesvuodain du ttavuoda ja vanhurskesvuoda gattim diti.[«]

Statsraad Aretander ja bisma sërvalagai addiga gonagassi golleæbala čuovvovaš rokkadusa vuolde: »Ibmel, gutte læ bigjam du gonagassan Norga rika bagjel, addus, atte ænam du raddijume vuolde oudanmanasi rafhest, famost ja buoredilest, sudnji gittosen ja maidnomin, dudnji gudnen ja illon ja albmugi avkken ja buristsivdnadussan.[«]

Sæmma lakai geiggijuvvui mieke gonagassi statsraad Olsønast ja bismast čuovvovaš rokkusin: »Ibmel, gutte vallji du balvvalægjen ja addi dudnji dam mieke balkašam diti dam buore ja rangastam diti dam baha ja Norga gudne ja likko varjalam diti, son buristsivdnedekus dam du gieđast vuoggadvuoda ja ædnama gattim diti.[«]

Dast maŋŋel baččujuvvui hirbmadet festegest ja soatteskipain. Bisma logai Hærra buristsivdnadusa, ja gonagas manai ja čokkani su stuolos ala, ja de vuiddujuvvui dronneg, ja fast gullui kanonbavkas. Dak sæmma rokkadusak, maid Troandembisma celki gonagassi, celkkujuvvujegje Birgen bismast dronnegi. Stuuradiggepresidentta Thorne loaidasti dasto oudan ja alla jienain diedeti, atte Haakon dat 7id dal læi kruoneduvvum Norga gonagassan, ja dasto čuožželi

obba dat almug, mi girkost læi ja čurvvi: »Ibmel varjalekus gonagasa![«] Loapadussi lavllujuvvui dat lavla: »Ibmel buristsivdned min divras vanhemiædnam.[«]

Cermoniak legje vaimolikkatatte. Duobmogirko eabbesvuoda imaštalle olgoædnamlazžak saggarak. Kristiania bisma Bang doalai su sarnes stuora famoin, ja dat dugjoi burist dam stuora čoaggalmasast, Kl. 1 diedetuvvui kanonbaččema bokte, atte gonagas kruonedæbme læi gærggam. Gonagas ja dronneg manaiga olgus pavillioni, gost soai buorastattujuvvaiga gonagas lavllagin ja hurračuorvvasin.

Go dak alla hærrak vuolas vugje stiftagarddemi legje stuora illoliktusak birra buok. Gonagas ja dronneg buorastattiga goabbašak belidi. Mikelsen ja Løvland maidai gudnejuvvaiga.

Kl 8^{1/2} legje gonagaspara guossemallasak, dasa legje boattam 318 alla hærra — olgoædnamlas sadakolbmak ja ærak. Mikelsen doalai oanekaš sarne gonagaspari, mast son savai, atte sodno ællem šaddaši čuovgaden ja likkolažžan ja vanhemi ædnami avkken. Ja de lavllujuvvui gonagas lavla.

Gonagas vastedi moddin sanin ealkkededines: »Dam monno mavsolaš bæive aigom mon olgusælkket doavo dam birra, atte dak basse mænok, mak odne duobmogirkost læk doaimatuvvum šaddaši avkken ja buristsivdnadussan vanhemi ædnami.[«] Dast maŋŋel lavllujuvvui: »Mi dam ædnam rakistep.[«]

Stuorradiggevalggabæivek dam gæse

daina moadde lagaš amtain.

Stuorradiggevalljimbæivek læk dal mæreduvvum min ædnam mietta čuovvovaš beividi:

5ad august

Kristians amta, vallje 5 repæsetanta

13ad august.

Stavanger amta 5 repræsenta.

Daveb Troandem amt (4)

Troandem ja Levanger (4)

20ad august.

Nedenes amta (4).

Lister ja Mandal amta (4).

Madde Bergenshus amta (6).

Davve Bergenshus amta [5].

Romsdalsamta (5).

Madda Troandem amta (5).

Tromsa amta (3).

Moss ja Drøbak (1).

Hamar, Lillehamar, Gjøvik ja Konsvinger (1).

Larvik ja Sandefjord (1).

Risør (1).

Haugesund (1)

Tromsøst (1)

22ad august.

Akerhus amta (5)

23ad august.

Drammen (2).

Arendal ja Grimstad (1).

Kristiansand (2).

Flekefjord (1).

24ad august.

Hedemarka amta (6).

Buskerud amta (4).

25ad august.

Finmarko amta (2).

Kongsberg ja Hønnefos (1).

Hammerfest, Vargak ja Caccesuolo 1.

27ad august.

Jarlsberga ja Laurvika amta (3).

Bratsberga amta (4).

Nordlanda amta (6).

Kristiania (5),

Holmestrand (1).

Tønsberg (1).

Brevik (1).

Porsgrund ja Skien okta goabbage.

Kragerø (1).

Stavanger (2).

Birgen (4).

Aalesund ja Molde (1).

Kristiansund (1).

Bodø og Narvik (1).

28de august.

Smaalenes amta (5)

Fredrikhald (1).

Sarpsborg (1).

Fredriksstad (1)

Stuoradigge

læ dal bevilggim divvum ja činatan varas gonagas sloata 250,000 kruvna. 16 stuoradiggeolbma legje dam bevilggim vuostai.

Balkan gonagassi

læ stuoradiggest bevilggijuvvum 700,000 kruvna jakasažat. 3 stuoradiggeolbma legje dam bevilggim vuostai.

Dinggo „Nuorttanaste!“

«Nuorttanaste» ealle, prentejægje ja olgusade læ G. F. Lund, Sigerfjord, Vesteraalen.